

舊

譯

大方廣佛華嚴經卷第十四

一百六
朝二

47829

大方廣佛華嚴經卷第十四

東晉天竺佛陀跋陀

羅譯

朝

百萬億諸大菩薩摩訶薩頂戴護持百萬億
 華手菩薩雨一切華百萬億香手菩薩雨一
 切香百萬億鬘手菩薩雨一切鬘百萬億
 香手菩薩雨一切秣香百萬億衣手菩薩雨
 一切寶衣百萬億幢手菩薩雨一切幢百萬



億幡手菩薩雨一切幡百萬億寶手菩薩雨
一切寶百萬億莊嚴手菩薩普雨一切諸莊
嚴具百萬億諸天以天種種莊嚴宮殿而以
莊嚴歡喜天子以百萬億諸天莊嚴宮殿而
莊嚴之百萬億生貴天子法身普覆百萬億
灌頂天子舉身持座出生百萬億菩薩清淨
大願出生百萬億菩薩初清淨心出生菩薩
百萬億柔軟利根百萬億禪藏皆悉清淨菩
薩百萬億清淨解脫嚴治菩薩百萬億諸清
淨業出生菩薩百萬億安住生貴地出生菩
薩百萬億法門普照一切成就百萬億菩薩
諸地教化調伏百萬億大衆百萬億諸善根

所起百萬億諸佛護持百萬億功德所成百
萬億直心莊嚴清淨百萬億大願莊嚴清淨
百萬億善行所起百萬億諸法充滿百萬億
自在神力之所成就百萬億諸功德所起以
百萬億讚法而讚歎之如此世界四天下兜
率陀天宮一切寶莊嚴殿爲如來敷摩尼寶
藏師子之座十方一切諸佛世界諸四天下
兜率陀天宮一切寶莊嚴殿爲如來敷摩尼
寶藏師子之座亦復如是今時兜率陀天王
爲如來敷高座竟與不可計阿僧祇兜率陀
天子俱奉迎如來雨阿僧祇色上妙諸華供
養如來雨不可思議香雨無量色鬘雨上妙

栴檀雨無量種種寶蓋雨細妙天衣雨無量
雜寶供養如來以歡喜心雨天上妙諸莊嚴
具燒種種香香氣普熏十方世界雨栴檀栴
香沉水栴香堅固栴香供養如來無量天子
各從其身出無量無數諸天子身阿僧祇兜
率陀天子及朝他地方來諸天子衆皆大歡喜恭
敬作禮阿僧祇古花卷十四天女衆歡喜無量一心寂然
諦觀如來不可數不可說諸大菩薩悉從他
方兜率天來住於虛空以不可思議諸供養
具供養如來出過一切諸天供養以阿僧祇
勝妙音聲讚歎如來佛神力故過去諸佛所
修善根故如來不可思議自在神力故一切

兜率隨天子及諸天女一心恭敬靜默觀佛
咸作是念如來出世甚難值遇功德具足智
慧無礙平等正覺我今得見作是念已皆大
歡喜阿僧祇那由他兜率隨天子來詣佛所
各以身上天衣盛種種寶又以身上天衣盛
種種香一切寶衣諸莊嚴具栴檀栳香沉水
栳香天妙寶香諸天香華天曼陀羅華普散
十方供養如來億那由他無數天子以種種
上妙供具莊嚴虛空燒衆名香香氣成雲充
滿十方一切虛空智境界心故雨天華雲莊
嚴虛空於如來所起歡喜心故雨一切天蓋
雲莊嚴虛空充滿十方得勸佛心故雨一切

天瓊雲莊嚴虛空充滿十方供養佛故以阿
僧祇白淨寶網遍滿虛空以爲莊嚴懸衆金
鈴而間錯之自然微動出妙音聲悟三乘者
令得解脫無數寶帳莊嚴虛空弥覆十方於
如來所得深信故普雨一切妙寶瓊雲未曾
斷絕以阿僧祇諸天宮殿莊嚴虛空一切天
樂出微妙音充滿十方至心踊悅尊敬佛故
以阿僧祇種種妙衣莊嚴虛空得佛出世難
遇心故雨阿僧祇諸天寶冠莊嚴虛空於如
來所得欣敬心故雨阿僧祇上妙衆寶及天
寶瓊莊嚴虛空無數億那由他天子各從身
出阿僧祇種種色華供養如來無有窮盡於

如來所歡喜恭敬故以無數種種隨所樂香
供養如來於如來所歡喜恭敬故以阿僧祇
栴檀栴香供養如來於如來所得無比歡喜
故以種種寶蓋供養如來長養念佛三昧故
以無數種種上妙寶衣以布道路供養如來
於如來所得歡喜恭敬故以無量無數雜色
寶幢供養如來於如來所得無量歡喜心故
以阿僧祇雜色寶幢供養如來於如來所得
歡喜恭敬故以無數天樂出微妙音供養如
來其心常定未曾散亂不可說億那由他菩
薩於兜率陀天宮以離三界一切供具從眞
實法主離諸煩惱大慈之心充滿十方無有

障礙具足方便諸甚深法唯有諸佛乃能測
量餘無能及堅固淨信之所長養不可思議
善根所生無數變化因力所起從諸如來具
法化生無行法印一切寶蓋普覆法界供養
如來出過諸天一切所供一切波羅蜜所起
一切華帳普覆法界出過諸天所供養上供
養如來清淨解脫充滿一切諸佛境界一切
寶衣普覆莊嚴一切法界出過諸天所供養
上供養如來無生法忍所起雜寶鈴網普覆
莊嚴一切法界出過諸天所供養上供養如
來入無礙智慧以一切堅固香奩莊嚴法界出
過諸天所供養上供養如來解一切法猶如

幻化敷置一切妙寶高座莊嚴法界出過諸
天所供養上供養如來其心境界與如來等
坐處境界亦同如來建一切寶幢莊嚴法界
出過諸天所供養上供養如來善解應時供
養如來以一切寶殿莊嚴法界出過諸天所
供養上供養如來解一切法如夢以種種寶
華莊嚴法界出過諸天所供養上供養如來
無著善根所生充滿一切法界此等無量甚
薩皆從身出一切堅固香雲一切雜色華雲
一切雜色衣雲一切栴檀香雲一切莊嚴寶
蓋雲一切種種香雲一切華鬘雲一切清淨
莊嚴具雲出過諸天所供養上供養如來無

明
四卷
三

量菩薩稱歎如來真實功德永離顛倒安住
正法具一切力能令衆生離諸惡難開示善
道於一音中演無量法從一切陀羅尼生辯
才之藏不可窮盡具足無畏心常歡喜菩薩
以如是等無量妙法讚歎如來法身充滿虛
空法界心與三世諸如來等今時一切諸天
衆及他方來諸天子衆并不可數諸佛刹一
切菩薩見如來等正覺不可思議人中之雄
其身無量不可稱數示現不可思議神足今
一切衆生皆大歡喜周遍充滿一切虛空諸
佛功德莊嚴一切法界今一切衆生安住一
切善根成就神力出過一切諸語言道一切

菩薩恭敬供養隨所應化現身救度具足一
切清淨善根顯現如來無上功德智慧境界
不可窮盡無比三昧之所出生法身普至一
切衆生無有分際今一切衆生皆大歡喜不
斷一切智種住佛所住於三世諸佛家生無
盡衆生皆令清淨悉能出生一切菩薩清淨
智慧發起一切菩薩諸根一切法雲普覆法
界如來教化究竟無餘隨其所願悉令滿足
安立清淨平等正智出過一切衆生之上得
一切智以正覺眼普觀世間隨其先世所修
善根悉能示現普發大心衆生愛樂智慧安
住無能壞者善知衆生分別諸刹於不退轉

善法中生不壞法性分別法界現如來身無
量無數遠離癡妄安住真實一切衆生歎無
能盡教化一切修念佛三昧充滿法界度脫
衆生無量無邊本之所請悉能化度隨其所
應以法惠施種種方便調伏衆生隨彼欲性
悉令清淨示現色身不可思議等觀衆生心
無所著住無礙住所見無障善解如來一切
諸力心常寂定未曾散亂住一切智善能演
說句身味身真實之義悉能深入無量智海
出生無量功德慧藏如來日出普照法界衆
生願力常住不沒住佛所住堅固不壞於我
我所心無所著所行諸法永離世間於一切

世無所染汙在大衆會建智慧幢智慧超出
一切世間無所染著以大悲心拯拔衆苦安
立衆生於深妙智饒益衆生功德無盡悉善
分別菩薩智慧信向佛道成最正覺出于大
慈顯現大悲佛身無量諸法莊嚴種種音聲
演無量法隨其所應充滿其願於去來今心
常清淨悉令群生不著境界能與一切諸菩
薩記生於三世諸如來家普於十方智慧無
礙一切悉至而無所著於諸佛世界了達眞
實善能分別一切衆生出世功德普爲一切
世間燈明生死垢惱無能染著佛智慧月普
照法界了達諸法無眞實性無量深智觀察

平等慧心明淨普照十方解了諸法如夢如
化一切世閒心諸佛心及諸業報隨其所應
顯現真實順衆生根爲現佛身如來境界悉
能容受一切衆生普知衆生所行諸法解了
其相無有自性知一切世閒一性非性隨順
衆生示現有性欲今衆生超出三界一向正
趣無上菩提救護拯濟一切衆生未曾妄取
世閒之相滅諸煩惱正觀世閒大乘纏勒所
行不亂成就一切諸法善利悉能分別衆生
善根業報清淨智慧明了等入三世永離世
閒一切虛妄放光明網普照十方今一切衆
普見如來分別一切十方佛刹相好具足樂

觀無厭菩薩所行功德智慧之所興起善能
分別諸根境界所行佛事不失其時成就三
世諸佛無量方便慈悲普覆一切衆生周遍
普降陀羅尼雨皆今成就諸佛功德無量妙
色莊嚴佛身十方衆生靡不瞻覩除滅一切
世間障礙分別諸法解真實義成就功德自
在法王功德日王普能照耀一切世間最上
福田依因一切智慧緣生化身充滿一切世
間一一化身普放無量智慧光明無礙天繒
冠頂法王功德無量悉能隨順分別世間無
上導師開化群生如來智慧一切世間無畏
之乘一切世間無上醫王了知衆生所病輕

重永離癡冥堅固不退淨慧眼蔽善能分別
一切世間開示衆生一切業報衆生病苦悉
能除滅無量方便而度脫之隨其所應常不
失時等觀衆生遠離諸惡示現業報猶如幻
化隨其所應爲現佛身普令衆生悉見導師
分別世間一切諸法歡喜敬佛長養善根得
不退轉隨彼所業皆分別知一切衆生長眠
生死如來出世能覺悟之安慰世間今無怖
畏心無所著無能壞者安住智慧方便具足
如來最勝嚴淨衆生智慧山王開淨法門或
現佛身或現菩薩開導衆生遠離衆惡安置
善地無量功德莊嚴佛身業行所成示現世

聞一切智慧得到彼岸成佛道時悉令清淨
能滿世間一切所願開示世間堅固善友光
明清淨遍照十方普為衆生示現其身滅除
無量衆生慳垢悉令衆生善根清淨隨其所
願皆得滿足等觀衆生無上中下攝取善根
起清淨業降伏衆魔除滅煩惱出生無量無
礙之力一切世間淨光明王無礙慧日照除
癡冥常以法施一切衆生無量無邊如來智
藏光明清淨普照十方令一切衆生遠離怨
仇隨其所願皆悉充滿最勝福田靡不歸依
果報無量具足清淨少修善根獲大功德安
置衆生無盡智地一切善根皆由心起無量

歡喜清淨功德能除衆生惡道諸難如是正
念如來如是觀察正覺如是入智慧淵如是
入功德海如是至虛空智慧如是知衆生福
田如是正知如來如是觀察淨業相好如是
正知法身普照十方如是知佛示現一切不
可思議自在神力尔時諸天見如來身一一
毛孔出阿僧祇億那由他光明一一光明有
阿僧祇妙色阿僧祇清淨照明阿僧祇佛刹
阿僧祇衆生阿僧祇歡喜長養阿僧祇佛勇
猛精進淨阿僧祇寂滅三昧阿僧祇諸根清
涼柔軟阿僧祇恭敬如來尔時諸天復見佛
身出不可思議雜色光明輪一一光明輪有

不可思議色不可思議照明普照十方無量
無邊一切法界示現如來無量無數自在神
力衆生皆聞清淨妙香又自然出不可思議
偈宣揚演說出世間法具足成就離世善根
顯現阿僧祇億那由他不可思議上妙莊嚴
不可思議劫讚歎光明不能窮盡從如來無
盡自在中生悉普照現不可思議利諸佛出
世安立衆生於智慧門入真實義顯現不可
思議如來化身普照無量無數不可思議諸
佛世界及諸法界十方一切世界究竟法界
虛空界持一切世界故起普令衆生清淨平
等從如來無礙一切智佛所住生又佛身中

出無量無數不可思議妙寶光明本於無量
無數不可思議諸如來所修功德故得是光
明清淨大願善根所起無量佛所修習清淨
不放逸行一向專求無上菩提得是光明出
生無量無邊善根普令衆生於如來所除滅
疑惑得見如來又覩自在神力安立無量衆
生勝善根門度衆生海於一切佛刹爲諸菩
薩演說諸佛不思議法今時如來以大慈悲
普覆一切示現一切智慧莊嚴欲令無量無
邊不可思議諸佛世界一切衆生未信者信
已信者增長善根已增長者令其清淨已清
淨者令其成熟已成熟者令其解脫得其深

法具足無量智慧光明滿足誓願一切智心
堅固不轉不壞法性間具實際而不驚怖具
足解達如來實法滿足一切諸波羅蜜成就
清淨出世善根具足修習普賢所行成就如
來無量自在遠離魔界入佛境界解甚深法
得不思議智大乘弘願堅固不轉常見諸佛
得無量智無量無邊功德藏力發勝妙心離
疑網地滅惡清淨常依如來於真實法堅固
不轉得入一切諸菩薩衆常在三世諸如來
家如來顯現如是等類無量無數清淨善根
調伏衆生悉欲令彼知佛功德照明一切無
礙慧藏如來不可思議大神通力於一切趣

普現自在本所志願皆悉滿足具足淨慧究
竟諸佛最勝善逝成就法王一切自在具足
出生一切智門成就最勝清淨法身三世諸
佛功德平等一切世間無能為喻相好嚴身
具足諸力見無厭足於一切劫稱說如來智
慧功德自在示現不可窮盡一切菩薩不能
究竟普為衆生志圓滿慧日滅三世闇逮得法張海
王神力自在出生無量清淨功德小時兜率
天王為如來設如是等諸供具足與無量無
數阿僧祇兜率陀天子俱恭敬合掌白佛言
善來世尊善來正覺唯願哀愍處此宮殿今
時世尊以佛莊嚴而自莊嚴衆生見者無不
敬樂一切菩薩之所願求今兜率諸天皆大
歡喜普令衆生修佛境界種佛善根功德無

敬樂一切菩薩之所願求今兜率諸天皆大
歡喜普令衆生修佛境界種佛善根功德無
盡逮得清淨不可壞信常供養佛心無厭倦
正心清淨發起衆生求一切智故受兜率天
王請即昇一切寶莊嚴殿如意寶藏師子之
座如此世界四天下兜率天宮如來受請昇
一切寶莊嚴殿如意寶藏師子之座一切十
方諸四天下兜率天宮一切寶莊嚴殿如意
寶藏師子之座亦復如是今時一切寶莊嚴
殿自然殊特妙寶莊嚴出過諸天莊嚴之上
一切寶網彌覆其上普雨一切妙寶雲雨一
切寶莊嚴雲雨一切寶衣雲雨一切栴檀雲

雨一切堅固香雲雨一切雜寶莊嚴雲雨不可思議衆華雲雨自然演出不可思議伎樂音聲宣揚如來一切種智微妙法言如是一切諸供養具悉過諸天所供養上今時佛威神力爲兜率天王故一切音樂寂然無聲不復擾亂天王正念長養善根增益大心勇猛精進甚大歡喜正心清淨即發無上菩提之心於諸法門揔持不忘今時兜率天王承佛神力即自憶念過去佛所所種善根以偈頌曰無礙如來猶滿月
諸吉祥中最第一
來入衆寶莊嚴殿
是故此處最吉祥
無邊如來智甚深
諸吉祥中最第一

來入清淨金色殿

普眼如來甚明淨

來入寶藏蓮華殿

珊瑚如來色鮮潔

來入清淨寶藏殿

最勝如來論師子

來入因陀寶山殿

滿月如來德無量

來入妙華寶藏殿

無量如來光無際

來入寶樹莊嚴殿

寶幢如來離疑惑

是故^九此處最吉祥

諸吉祥中最第一

是故此處最吉祥

諸吉祥中最第一

是故此處最吉祥

諸吉祥中最第一

是故此處最吉祥

諸吉祥中最第一

是故此處最吉祥

諸吉祥中最第一

是故此處最吉祥

諸吉祥中最第一

來入妙寶莊嚴殿
無量慧佛人師子

來入香山莊嚴殿

功德如來光普照

來入勝寶莊嚴殿

如此間兜率天王承佛神力憶念過去諸等

正覺以偈讚歎如是十方一切世界兜率天

王各自憶念過去佛所所種善根以偈讚歎

亦復如是小時世尊昇一切寶莊嚴殿如意

寶藏師子之座結跏趺坐清淨法身三世諸

佛境界自在皆悉平等一向寂靜以一切諸

佛莊嚴而自莊嚴無量無數不可思議清淨

是故此處最吉祥

諸吉祥中最第一

是故此處最吉祥

諸吉祥中最第一

是故此處最吉祥

大菩薩衆悉從他方世界來集如來知時而
爲說法法身不二無所染著諸佛所起如來
法身離諸所行尔時一切寶莊嚴殿自然無
量無數不可思議阿僧祇諸供養具殊特奇
妙出過諸天所供養上所謂華鬘塗香旃香
寶衣幢蓋繒幡種種衆寶伎樂恭敬供養讚
歎如來如是等不可思議一切供養諸莊嚴
具如此世界四天下兜率天宮一切寶莊嚴
殿如意寶藏師子之座一切十方諸佛世界
亦復如是

大方廣佛華嚴經毘盧遮土大菩薩衆集讚佛品第二十
尔時佛神力故十方各過萬佛世界塵數刹

外彼有世界名堅固寶次名堅固樂次名堅
 固寶王次名堅固金次名堅固摩尼次名堅
 固金剛次名堅固蓮華次名堅固青蓮華次
 名堅固栴檀次名堅固香其佛号壽無盡幢
 次号風幢次号清白幢次号威儀幢次号明
 相幢次号常幢次号上幢次号自在幢次号
 梵幢次号寧泰幢彼諸菩薩名字悉同其名
 曰金剛幢次名堅固幢次名勇猛幢次名夜
 光幢次名智幢次名寶幢次名精進幢次名
 離垢幢次名眞寶幢次名法幢彼諸菩薩各
 於其國佛所淨修梵行一一菩薩各將萬佛
 世界微塵數等菩薩眷屬來詣佛所稽首禮

敬佛神力故隨所來方化作如意寶藏師子
之座充滿十方結跏趺坐白淨寶網以覆其
身又放阿僧祇千億那由他光明離垢光明
無量光明普照十方以正直心攝取三寶遠
離諸惡菩薩大願之所興起一切衆生觀無
厭足見者不虛無不調伏顯一切佛自在淨
法爲一切衆生作歸依處勸化令發菩薩大
願此諸菩薩皆悉成就無量法門所謂遍遊
十方一切佛刹無所障礙神足法門見淨法
身無著法門住持慧身能爲無數變化之身
往詣無量佛所法門入無量無邊不可思議
如來自在法門無量無邊一切智法門無量

光明普照諸法無畏方便法門盡未來劫分
別演說諸功德藏無盡辯法門一切陀羅尼
慧光普照法門成就清淨慧眼普觀法界法
門智慧境界無量無邊無縛無著究竟如虛
空法門如此世界兜率天宮菩薩雲集一切
世界諸四天下兜率天宮雲集菩薩所從來
國諸佛名号亦復如是尔時世尊從兩膝放
百千億那由他光明普照十方虛空法界等
一切世界諸四天下兜率天宮一切如來神
力自在皆悉顯現彼諸菩薩其有得見如來
神力自在者皆是盧舍那如來應供等正覺
行菩薩道修習無量諸法門時善知識也是

諸菩薩常樂諸佛甚深解脫自在神力得不
壞法界身得無礙三昧見不可思議佛心無
所著以無礙心充滿法界離垢寶心常為諸
佛之所護念得佛無量住持神力決定究竟
到於彼岸清淨正念速成等覺得諸如來心
之原底入深智慧而得自在於甚深智究竟
彼岸清淨法身住佛所住得一切智與如來
等從智寶起皆於如來妙趣中生開發清淨
智慧法門究竟金剛大智彼岸成就金剛方
便三昧永離一切愚癡闇冥教化成就無量
無邊無數眾生諸佛一切決定自在究竟彼
岸不著一切數善學一切數究竟一切數智

善住眞實法成就如是等無量無邊不可稱
數不可窮盡不可言說諸功德藏尔時金剛
幢菩薩承佛神力普觀十方以偈頌曰

如來不出世

亦無有涅槃

以本大願力

顯現自在法

是法難思議

非心之境界

究竟彼岸智

乃見諸佛境

色身非如來

音聲亦如是

亦不離色聲

有佛自在力

少智不能知

甚深佛境界

成就本業智

乃達諸佛境

諸佛無來處

去亦無所至

清淨妙法身

顯現自在力

無量世界中

示現如來身

廣說微妙法

其心無所著

無量無邊慧

諸法無障礙

入於深法界

顯現自在力

衆生及諸法

了達無障礙

變化身無量

普現一切刹

欲求一切智

自然成正覺

先當淨其心

具修菩薩行

如是見如來

無量自在力

除疑常親近

無上善知識

尔時堅固幢菩薩承佛神力普觀十方以偈

頌曰

最上無過者

甚深不可說

一切語言斷

清淨如虚空

諦觀人師子

無量自在力

諸佛無虚妄

世間生妄想

導師所演說

其法甚深妙

隨順因緣起

如來清淨身

斯等大乘智

諸佛之境界

若欲求此智

常應親近佛

清淨心供養

一切諸導師

心常無猷足

究竟成佛道

無盡功德藏

增長菩提心

遠離諸疑惑

觀佛無猷足

究竟一切法

法化生佛子

彼悉能解了

諸佛自在力

智慧王所說

欲為諸法本

應起清淨欲

志求無上道

若能敬諸佛

知報如來恩

彼人未曾離

一切諸導師

如是得見聞

諸佛及佛法

具足清淨願

究竟無二道

爾時勇猛幢菩薩承佛神力普觀十方以偈

頌曰

有眼有日光

能見細微色

最勝神力故

淨心見諸佛

勇猛勤方便

能盡海原底

智慧力如是

究竟諸佛海

譬如好良田

植種必滋繁

如是淨心地

出生諸佛法

如貧得寶藏

除滅飢寒苦

菩薩得佛法

離垢心清淨

譬如伽陀藥

能消一切毒

天尊亦如是

滅除煩惱毒

因緣善知識

生長信佛心

因緣善知識

得聞諸佛法

無量無數劫

常行無上施

若能化一人

功德超於彼

如來相莊嚴

功德難思議

諸佛功德藏

一切莫能知

如來等正覺

不起于一座

悉能遍十方

一切諸世界

譬如虛空性

不生亦不滅

諸佛法如是

亦復無生滅

爾時夜光幢菩薩承佛神力普觀十方以偈

頌曰

普見天人尊

能生種種心

菩提無二法

莊嚴無不現

功德不可盡

法身悉清淨

未曾生想念

自然應衆生

應現種種形

亦非非變化

正覺不可量

十方諸世界

清淨妙法身

如來一法身

亦無有自性

究竟如虛空

其唯諸佛境

隨其所應化

我為如是像

不壞諸法性

教化衆生故

諸法無變化

究竟等法界

一切群生類

譬如一心力

出生諸佛身

無二淨法身

猶如幻化現

三世一切佛

普現妙色身

遠離諸悖望

亦不著法界

法身非變化

示現有變化

深廣無崖底

言語道悉斷

一切趣道法

如來知實義

遊行一切刹

未曾有障礙

尔時智幢菩薩承佛神力普觀十方以偈頌曰

入於深智慧

一切無障礙

其心無齊限

修習菩薩行

普於十方刹

常見一切佛

彼佛無處所

法亦無所著

一一諸如來

自在力無量

不可思議劫

說之無窮盡

三世諸衆生

悉可知其數

導師功德藏

其數不可盡

無二不思議

應現種種身

十方無不見

未曾有別異

譬如淨滿月

普現一切水

影像雖無量

本月未曾二

如是無礙智

成就等正覺

應現一切刹

佛身初無二
非一亦非二
亦復非無量

隨其所應化
示現無量身
佛身非過去

亦復非未來
一念現出生
成佛入涅槃

譬如幻化色
不生亦不滅
佛身亦如是

寂然無生滅
亦時寶幢菩薩承佛神力普觀十方以偈頌曰

如來身無量
眾生見有量
隨彼所應化

導師為現身
法身無處所
充滿十方界

佛身難思議
如空無分際
彼無心意識

亦無起心想
諸佛之境界
究竟無生滅

譬如無目人
不覩内外色
如來不出世

不見一切法
饒益眾生故
如來出世間

衆生見有出而實無興出佛刹非如來

晝夜亦如是年月至一念悉非等正覺

衆生咸說言佛日出世間導師自覺悟

如來非淨曰虛妄無所有言語道悉斷

三世諸如來出世亦如是譬如清淨曰

不與昏夜俱而說曰夜相諸佛亦如是

三世一切劫不與如來俱而說三世佛

導師法如是

今時精進幢菩薩承佛神力普觀十方以偈

頌曰一切諸導師身同義亦然

普於十方界隨應各別異觀察牟尼尊

境界甚深妙充滿諸法界一切悉無餘

如來淨法身

非是內身數

如來淨法身

亦非外身數

隨彼眾人行

種種無量業

是故見如來

各各悉不同

如來妙法身

一切莫能數

甚深難思議

唯是佛境界

如我非境界

思量所不及

佛法身如是

一切莫能測

以利難思議

而見淨莊嚴

佛身亦如是

妙相無不現

猶如一切法

因緣和合生

如是因緣會

得見諸如來

譬如隨意珠

悉滿眾生意

諸佛法如是

能滿一切願

無量世界中

導師興於世

如來本願力

普應十方界

尔時離垢幢菩薩承佛神力普觀十方以偈

法華卷之四

四

四

頌曰

能淨世間已

衆生數等佛

專念佛境界

其數與心等

彼於一切智

如應演說法

佛身非我所

覺無我菩提

示現念等身

身即是最勝

一切知見人

諸佛智慧光

今入諸佛法

如來一切應

生起無量心

具足白淨法

其心安不動

隨所宜見處

世界亦如是

一切入師子

種種相莊嚴

知身真實性

普明照諸法

圓滿淨世間

設有人欲見

而實無來處

所見諸如來

名聞滿十方

導師為衆生

普現最勝身

說心邪我所

無量自在力

世間即是身

是佛無礙智

佛法及菩提

求悉不可得 導師無來去 亦復無所住

遠離諸顛倒 清淨等正覺

今時真寶幢菩薩承佛神力普觀十方以偈

頌曰 正覺遊十方 一切諸世界

不離於一刹 普現諸國土 如來自在力

應現一切身 得道轉法輪 究竟般涅槃

誰為思議佛 誰為不思議 誰見諸如來

誰為等正覺 一切法皆如 諸佛境亦然

乃至無一法 如中有生滅 衆生虛妄故

是佛是世界 若解真實者 無佛無世界

令衆歡喜故 普現一切前 如來所現身

畢竟不可得 遠離一切障 無礙安隱住

除滅諸留難

具足諸佛法

一切諸如來

神通力自在

悉於三世中

求之不可得

如是知心識

明解一切法

一切知見人

速成等正覺

如來自在力

但有假言說

諸佛及自在

一切言語斷

尔時法幢菩薩承佛神力普觀十方以偈頌曰

寧於無量劫

具受一切苦

終不違如來

不覩自在力

無量生死中

未曾發道心

若聞見如來

具足佛菩提

聰達明慧者

若發一道心

汝莫生疑惑

自謂不成佛

無量無數劫

菩提心難得

若能一心求

究竟無上道

設於念念中

供養無量佛

不知是方便
諸佛從此生
一聞摩訶衍
三世為導師
不解方便者
流轉於生死
諸法不可壞
示現自在法

彼猶非供養
無量劫受苦
諸佛所乘乘
雖盡未來劫
終不為菩提
不知真實法
亦無壞法者

若聞如是法
決定求菩提
一切法界中
一切諸佛刹
過去無量劫
如來所起處
照明諸世間

大方廣佛華嚴經卷第十四

十五止 朝人

